

趙城縣廣勝寺



八佛名号經

傷

隋天竺三藏闍那崛多譯

如是我聞一時佛在舍衛國祇樹給  
孤獨園與大比丘僧千二百五十人  
俱復有大乘衆菩薩摩訶薩十千人  
俱爾時世尊與無量無數百千萬衆  
前後圍遶而為說法

爾時尊者舍利弗於大衆中即從座  
起偏袒右肩右膝著地向佛合掌而  
白佛言世尊我有疑心今欲發問惟  
願如來憐愍衆生為我解說

爾時世尊告舍利弗言善男子隨汝  
所問若有疑心吾當為汝分別解說  
時舍利弗蒙佛印可許決疑網歡喜  
踊躍即白佛言世尊願有現在十方  
世界諸佛世尊往昔願力常為衆生  
現在說法彼諸如來所有名号若善  
男子及善女人欲得誦持此諸佛名  
若讀若聞及以書寫緣是功德便於  
阿耨多羅三藐三菩提得不退轉無  
所缺減至於无上正真之道速得成  
於阿耨多羅三藐三菩提者不

爾時世尊告舍利弗言善哉善哉善  
男子汝所諮問真妙辯才為於來世  
無量衆生廣作利益慈悲哀愍一切  
天人能問如來如斯奧義是故汝今  
諦聽諦受善思念之吾當為汝分別  
解說舍利弗言唯然世尊願樂欲聞  
爾時世尊告舍利弗言善男子東方  
去此過一恒河沙世界有一佛刹名  
難降伏於彼國土有佛世尊号善說  
稱功德如來至真等正覺於今現在  
為諸大衆說微妙法

復次舍利弗從此東方過二恒河沙  
世界有一佛刹名无障身於彼國土  
有佛世尊号因陀羅相幢星王如來  
至真等正覺於今現在亦為大衆說  
微妙法

復次舍利弗從此東方過三恒河沙  
世界有一佛刹名曰愛樂於彼國土  
有佛世尊号普光明功德莊嚴如來  
至真等正覺於今現在亦為大衆說  
微妙法

復次舍利弗從此東方過四恒河沙  
世界有一佛刹名曰普入於彼國土

有佛世尊号善鬪戰難降伏超越如  
來至真等正覺於今現在亦為大衆  
說微妙法

復次舍利弗從此東方過五恒河沙  
世界有一佛刹名曰淨聚於彼國土  
有佛世尊号普功德明莊嚴如來至  
真等正覺於今現在亦為大衆說微  
妙法

復次舍利弗從此東方過六恒河沙  
世界有一佛刹名无毒主於彼國土  
有佛世尊号無身藥樹功德稱如來  
至真等正覺於今現在亦為大衆說  
微妙法

復次舍利弗從此東方過七恒河沙  
世界有一佛刹名側塞香滿於彼國  
土有佛世尊号步寶蓮華如來至真  
等正覺於今現在亦為大衆說微妙法  
復次舍利弗從此東方過八恒河沙  
世界有一佛刹名妙音明於彼國土  
有佛世尊号寶花善住娑羅樹王如  
來至真等正覺於今現在亦為大衆  
說微妙法舍利弗是等諸佛如來至  
真等正覺如是佛刹清淨无穢無有

五濁復無五欲其中衆生无有諂曲  
虛偽之心亦無欲行及以女人

復次舍利弗若善男子及善女人得  
聞彼等諸佛世尊如是名号既得聞  
已能自受持讀誦修行復為他人宣  
揚顯說彼善男子及善女人若墮三  
惡道者无有是處惟除五逆誹謗正  
法及謗聖人

復次舍利弗若善男子善女人得聞  
彼等諸佛世尊如是名号既得聞已  
能自受持讀誦修行復為他人宣揚  
顯說如是之人乃至菩提於其中間  
生生之處常具五通兼復速得諸陀  
羅尼六根完具無諸殘缺常得歡喜  
身毛右旋

復次舍利弗若善男子及善女人得  
聞彼等諸佛世尊如是名号既得聞  
已能自受持讀誦修行復為他人宣  
揚顯說彼等衆生所在之處縣官惡  
賊不能得便火不能焚水不能漂惡  
龍惡蛇不能毒害若行若住師子虎  
狼熊羆豺豹夜叉羅刹諸惡鬼神鳩  
豚荼等及人非人能作驚惶无有是

處惟除宿殃

復次舍利弗若有女人能厭其身繫  
念專心受持讀誦如是世尊諸佛名  
号復為他人分別顯說壽終之後更  
復受於女人身者无有是處

復次舍利弗若有善男子善女人於  
靜夜中能誦如是諸佛名号是等衆  
生於現世間所作功業皆速成就日  
日增長無諸障碍尔時世尊欲重明  
此義而說偈言

若有諸衆生能持是佛名悉捨諸惡道  
速生於善處常在諸佛前恒聞說妙法  
既觀无上尊隨心而供養誦持佛名故  
起億千万劫一切諸煩惱疾成得菩提  
若人滿十日能誦是佛名即得清淨眼  
便能見諸佛若有聞佛名即能誦持者  
隨其所生處常為他所敬相好形端正  
常生福樂家喜心行大捨聰明不放逸  
若有諸女人聞此佛名故自誦為他說  
其福不可量於此壽終已必捨女人報  
得受丈夫身生生常利根誦持佛名故  
多百億劫中口氣常芬馥恒如栴檀香  
彼等諸大仙如是諸名字若能誦持者

細心不放逸誦持佛名故父母及兄弟  
 并餘諸眷屬終無異苦惱誦持佛名故  
 一切魔波旬黑闇眾眷屬終不能障身  
 惡毒不能害刀杖及火等縣官惡賊盜  
 一切不能傷誦持佛名故千億諸劫中  
 常生寶蓮華威相神通具常在虛空中  
 遍不思議刹觀諸異佛土刹中清淨者  
 證無上道已普為諸雜類諸天及世人  
 能作歸依處  
 佛說是經已長老舍利弗及天龍夜  
 叉軋闍婆阿修羅迦樓羅緊那羅摩  
 睺羅伽人非人等一切大眾聞佛所  
 說歡喜奉行

八佛名號經

八佛名號經

校勘記

- 一 底本，金藏廣勝寺本。
- 一 三〇二頁中一行經名，**南、徑、清**作「佛說八佛名號經」。
- 一 三〇二頁中二行譯者，**石、資、磧**作「隋三藏法師闍那掘多譯」；**南、徑、清**作「隋北天竺三藏法師闍那掘多譯」。
- 一 三〇三頁上一五行第八字「側」，**南、徑、清**作「叟」。
- 一 三〇三頁上二〇行第七字「花」，**石、麗**作「蓮花」。
- 一 三〇三頁中五行末字至六行首字「宣揚」，諸本作「宣揚」，下同。
- 一 三〇三頁下九行末字「明」，**石**作「宣」。
- 一 三〇三頁下一四行第一二字「成」，**資、磧、南、徑、清**作「速」。
- 一 三〇三頁下一五行第四字「十」，**石、麗**作「七」。
- 一 三〇四頁上四行第八字「及」，**磧、南、徑、清**作「水」。
- 一 三〇四頁上卷末經名，**磧、南、徑、清**作「佛說八佛名號經」。